



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniae Agrippinae, 1707**

Q. 207. Quæ sint species furti.

**urn:nbn:de:hbz:466:1-42515**

pediat, ut ipse primus rem auferat, item si quis noctu violentè effringat ostia & nemine praesente aut renitente rem subducat, non erit rapina sed simplex furtum; putat tamen Haun. n. 164 fore rapinam, si habuisset animum vim inferendi, & ita videtur innui L. 52. §. 10. ff de furii. similiter quamvis per metum sit vis illata, non inferatur violentia, non erit rapina apud Juristas, nec in foro civili dabitur actio, quia alius datur contra rapinam, & dicitur *De vi honoraria raptorum*, Instit. & ff hoc titulo, sed tantum dabitur actio, *Quod metus causa*, uti cum aliis notat Haun. n. 263.

**943** §. 8. *Objici potest.* Homo tenetur bona sua temporalia postponere saluti æternæ proximi, ergo nunquam est rationabiliter invitatus, ut proximus haec accipiat, sed tenetur potius velle, ut habeat, quam ut peccet mortaliter, ergo nunquam peccabitur saltem mortaliter per furtum vel rapinam. R. Si argumentum valet, ergo nulla proximo fieri poterit injuria gravis: itaque dist: antec: homo tenetur bona sua temporalia postponere saluti æternæ proximi, si proximus per suam malitiam velit suam salutem perdere, n, si proximus non possit aliter suam salutem consequi, c: anteced. & n. conseq.

**944** Q. 207. *Quæ sint species furti.* R. Species furti genericè sumpti apud Theologos sunt, furtum strictè sumptum & rapina, de quibus à n. 93 dictum est, ad quæ accedit species Sacrilegii, h res sit sacra vel tollatur è loco sacro secundum dicenda l. 5. n. 127. Et speciatim de furto Reliquiarum dictum est hic n. 53. Species furti apud Juristas sunt, 1. *Manifestum*, in quo fur præsen-

te

te adhuc in seclusione vel in clamatione deprehenditur cum re furtiva, eo die, quo furatus est, antequam detulerit eò, quò deferre & ubi cum furto manere constituerat: *Non manifestum*, in quo fur non ita deprehenditur. 2. *Diurnum*, quod fit in ea luce, quā fur agnoscī possit: *Nocturnum*, quod fit in eis tenebris, ut fur agnoscī non possit: Statuitur autem L. 4. ff. ad legem Aquiliam, ut solus nocturnus fur impunè occidi possit, ut tamen idipsum cum clamore testificetur; limitatur L. 9. ff. ad legem Corneliam de sicariis, si parcere ei sine periculo suo non possit. 3. *Qualificatum*, quod in iure habet speciale nomen & punitur specialibus poenis: *Non qualificatum*, quod speciale nomen non habet in iure, idēoque nec illi speciales pœnæ decretæ sunt. Qualificata sunt, *Peculatus*, quod est furtum circa res vel bona publica ad fiscum aut principem pertinentia, quo spectat etiam crimen legis Juliæ, si quis bona communitati distribuenda in proprium commodum vertat, aut debens distribuere pecunias obtrudat aliquid aliud; item adulteratio monetæ facta à monetario, item cusio monetæ sine licentia, etiam in usus proprios, & quamvis ex materia propria. *Abigeatus*, si ex grege abigantur plura pecora etiam successivè, vel etiam unum, si sit magnum, uti bos, equus, etiam si è stabulo abstrahatur, uti notat *Illiſung* t. 4. d. 3. n. 131. *Plagium*, si homines liberi & inviti dolose intercipiantur, supprimantur, vendantur, emantur. De his omnibus videri possunt plura apud Haun. à n. 259.

Q. 208. *An furetur, qui rem aufert dominovi- 945  
dente & non contradicente, aut si putetur esse con-*

N n. 3

*tentus.*